

**মন্তব্য :** ‘চাঁদ-বদন’ কথাটিতে সমাস রূপককর্মধারয় নয় ; রূপক-কর্মধারয় সমাসে উপমানটি সব সময়েই উত্তরপদ (the last member of the compound) : হুঃখাগ্নি, কথামৃত, বিষাদসিন্ধু ইত্যাদি। এখানে উপমান ‘চাঁদ’ পূর্বপদ (first member of the compound)। সুতরাং অলঙ্কার এখানে সাধারণ ধর্ম এবং তুলনাবাচক শব্দ-লোপের উপমা। এটিকে রূপকের উদাহরণ মনে করার কোনো কারণ নাই।

(iii) “নীরবিলা শশিমুখী।”—মধুসূদন।

(iv) “মেঘ হানে জুইফুলী বৃষ্টি ও অঙ্গে।”—সত্যেন্দ্রনাথ।

—জুইফুলী = জুইফুলের মতন শুভ্রসুন্দর।

(v) “অঙ্করা কি মালিনীতে বিশ্বাধরের স্ততিগীতে

দিতাম রচি হুটি-চারটি ছোটো-খাটো পুঁথি।”—রবীন্দ্রনাথ।

—বিশ্বাধর = বিশ্বের অর্থাৎ (পাকা) তেলাকুচো ফলের মতন লাল নরম রসাল অধর। অঙ্করা, মালিনী হুটি সংস্কৃত ছন্দের নাম।

(ঈ)। সাধারণ ধর্ম এবং উপমান লুপ্ত :

(i) ‘আকাশে ধরণীতে, স্বপনসরণিতে, সাকি,

তোমার সদৃশারে বৃথাই বারে বারে খুঁজিয়া ফিরে মোর আঁখি।’

—শ. চ.

—উপমেয় ‘সাকী’, তুলনাবাচক শব্দ ‘সদৃশ’ ; উপমেয়ের রূপগুণগত যে ধর্ম তা অন্তর্ভুক্ত মিলছে না ব’লে উপমান স্বভাবতঃই লুপ্ত এবং উপমান না থাকায় উপমেয়ের ধর্ম কারুর সঙ্গে সাধারণ (attribute common to both) হ’তে পারল না ব’লে লুপ্ত।

**মন্তব্য :** এখানে অনন্বয়, ব্যতিরেক বা প্রতীপ অলঙ্কার বলা যায় না ; কারণ এ তিনটিতেই উপমান উপমেয় দুইই উল্লিখিত থাকে। অনন্বয়ে যে উপমেয়, সে-ই উপমান ব’লে উপমেয় যে স্বয়ংপূর্ণ এইটেই স্জোতিত হয়। আমাদের ‘আকাশে ধরণীতে……’ উদাহরণেও ওই স্জোতনা। তবু হুটি এক নয় ; কারণ, অনন্বয়ে উপমান থাকে, এখানে থাকে না। ব্যতিরেকে উপমানকে এনে উপমেয়ের চেয়ে তাকে নিকৃষ্ট ব’লে প্রতিপন্ন করা হয় এবং প্রতীপে উপমানকে আমন্ত্রণ করা হয় প্রত্যাখ্যানের উদ্দেশ্যে (যথাস্থানে এদের বিশদ পরিচয় দ্রষ্টব্য)।

(উ)। উপমান এবং তুলনাবাচক শব্দ লুপ্ত :

(i) “দেখেছিলেম ময়নাপাড়ার মাঠে

কালো মেয়ের কালো হরিণ-চোখ।”—রবীন্দ্রনাথ।

(উ)। উপমান, সাধারণ ধর্ম এবং তুলনাবাচক শব্দ লুপ্ত :

(i) “ভড়িত-বরণী হরিণ-নয়নী

দেখিলু আঙিনামাঝে।”—চণ্ডীদাস।

—এই উদাহরণটি বিচিত্র এবং চমৎকার। এতে উপমান নাই, সাধারণ ধর্ম নাই, তুলনাবাচক শব্দ নাই; আছে শুধু উপমেয় : ‘ভড়িত-বরণী, হরিণ-নয়নী’ অর্থাৎ রাধা। ভড়িত-বরণী = ভড়িতের বরণের মতো ( শুভ্র ) বরণ যার এবং হরিণ-নয়নী = হরিণের নয়নের মতো ( চঞ্চল ) নয়ন যার। দুটিতেই বহুব্রীহি সমাস। সমাস ভেঙে অর্থাৎ ব্যাসবাক্যে উপমান পূর্ণরূপটি পাওয়া গেল। সমাসে উপমেয়টি ছাড়া আর সবই লুপ্ত হ’য়ে আছে।

**মন্তব্য :** বহুব্রীহি সমাসের সাধারণ বৈশিষ্ট্য এই যে সমস্ত (compound) পদটির অর্থ তার পূর্বপদ এবং উত্তরপদকে অতিক্রম ক’রে এদের বাইরে অল্প একটি পদকে আশ্রয় করে। এই কারণে বলা হয় “অল্পপদার্থপ্রধানো বহুব্রীহিঃ।” ‘পীত অম্বর যার’ এই ব্যাসবাক্যের বহুব্রীহি সমাস ‘পীতাম্বর’ কথাটার অর্থ পীতও নয় অম্বরও নয়, শ্রীকৃষ্ণ। ‘পীতাম্বর’ দুই পদের বহুব্রীহি; পূর্বপদ ‘পীত’ এবং উত্তরপদ ‘অম্বর’। আমাদের ‘ভড়িত-বরণী’, ‘হরিণ-নয়নী’ তিন পদের উপমাগর্ভ বহুব্রীহি। হরিণ-নয়নী = হরিণ-নয়নের মতো নয়ন যার ( সেই শ্রীরাধা )। ‘হরিণ-নয়ন’ উপমান পূর্বপদ; ‘মতো’-র পরবর্তী ‘নয়ন’ উপমেয় উত্তরপদ। কিন্তু ‘হরিণ-নয়ন’ দুই পদের ষষ্ঠীতৎপুরুষ; ব্যাসবাক্য ‘হরিণের নয়ন’—‘হরিণের’ পূর্বপদ, ‘নয়ন’ উত্তরপদ। দেখা যাচ্ছে যে উপমান পূর্বপদে একটি পূর্বপদ এবং একটি উত্তরপদ রয়েছে। নয়নের সঙ্গে নয়নের উপমা হয় না, কারণ এরা সজাতীয়; কিন্তু হরিণ-নয়ন এবং হরিণেতর অল্প নয়ন বিজাতীয় বলে এদের উপমায় বাধা নাই। আমাদের বহুব্রীহিব্যাসবাক্যে উপমান পূর্বপদ ‘হরিণ-নয়ন’ যখন পূর্বপদ ‘হরিণের’ এবং উত্তরপদ ‘নয়ন’ নিয়ে গঠিত, তখন বলতে হবে এই ‘নয়ন’ উপমান পূর্বপদেরই উত্তরপদ। এই উত্তরপদ ‘নয়ন’-টিই উপমান পূর্বপদ ‘হরিণ-নয়ন’-এর মুখ্য অংশ; কারণ তৎপুরুষসমাসমাত্রই উত্তরপদপ্রধান; প্রকারান্তরে, এই ‘নয়ন’-ই উপমান। পাণিনি-ব্যাকরণের

কাত্যায়নকৃত বার্ষিক সূত্রে উপমাগর্ভ বহুব্রীহিতে এই উপমান পূর্বপদেরই উত্তরপদলোপের কথা বলা হয়েছে ( “উপমান-পূর্বপদস্ত চোত্তরপদলোপো বক্তব্যঃ” )। এই উত্তরপদলোপই প্রকৃতপক্ষে উপমান-লোপ। এইবার দেখা যাক ‘হরিণ-নয়নী’-তে কি ঘটল।

হরিণ-নয়ন ( -এর মতো ) নয়ন যার = হরিণ-নয়ন ; যার = রাধার, অতএব হরিণ-নয়ন + ঙ্গীলিঙ্গে ‘ঙ্’ প্রত্যয় = হরিণ-নয়নী। এইবার পদগুলিকে বন্ধনীর মধ্যে পূরে লোপ দেখিয়ে দিই : হরিণ-( নয়ন ১ ) ( -এর মতো ২ ) নয়ন ( + ঙ্গীলিঙ্গে ‘ঙ্’, যেহেতু ‘নয়ন’ রাধার ) যার = হরিণ-নয়নী। আপন চোখ উড়িয়ে দিয়ে ওই চোখের স্বভাবটুকুর ব্যঞ্জনা নিয়ে ‘হরিণ’ যুক্ত হ’ল রাধার ‘নয়ন’-এ। স্বভাবটুকু হ’ল চঞ্চলতা। এই চঞ্চলতাই উপমান উপমেয়ের সাধারণ ধর্ম। তাহ’লে, লুপ্ত হল উপমান, সাধারণ ধর্ম, তুলনাবাচক শব্দ ; রইল শুধু উপমেয়—এ উপমেয় রাধার নয়ন নয়, স্বয়ং নয়নের অধিকারিণী রাধা ( “অন্যপদার্থ-প্রধানো বহুব্রীহিঃ” )। রবীন্দ্রনাথের “কালো মেয়ের কালো হরিণ-চোখ” ( আগে উদ্ধৃত করেছি ) চরণটিতে ‘হরিণ-চোখ’ = হরিণ-চোখের মতো চোখ = হরিণ-( চোখের ৩ ) ( মতো ৪ ) চোখ ( সমাস উপমাগর্ভ কর্মধারয় ) : উপমান লুপ্ত, তুলনাবাচক শব্দ লুপ্ত। রয়েছে ‘হরিণ’ বিশেষণের বিশেষ্য ( কালো মেয়ের ) চোখ উপমেয়, ‘কালো’ ( দ্বিতীয়টি ) সাধারণ ধর্ম। মাঝখানকার উত্তরপদের লোপ অন্ততাবের ত্রিপদ বহুব্রীহিতেও হয়। প্রপতিত পর্ণ যার সে প্রপর্ণ ( বৃক্ষ ) : আসল উত্তরপদ ‘পর্ণ’ অক্ষুণ্ণ রয়েছে, লোপ পেয়েছে ‘প্র-পতিত’-র পত্-ধাতুজ ‘পতিত’ উত্তরপদটি ( “প্রাদিত্যঃ ধাতুজস্ত...উত্তরপদলোপঃ”—কাত্যায়ন )।

এইভাবে আর একটি উদাহরণ—

(ii) “নীরবিলা বীণাবাণী ।”—মধুসূদন।

‘বীণাবাণী’ প্রমীলা। বীণার বাণীর মতো বাণী যার।

### ১। (গ) মালোপমা

উপমেয় যেখানে মাত্র একটি এবং তার উপমান অনেক, সেইখানে হয় মালোপমা।

এ যেন উপমেয়ের গলায় উপমানের মালা।

(i) “মেহগনির মঞ্চ জুড়ি

পঞ্চ হাজার গ্রন্থ ;

সোনার জলে দাগ পড়ে না,  
খোলে না কেউ পাতা,  
অস্বাদিত মধু যেমন  
যুথী অনাজ্রাতা।”—রবীন্দ্রনাথ।

—উপমেয় ‘গ্রহ’ ; উপমান ‘মধু’ আর ‘যুথী’।

(ii) “প্রবালের মত রক্তিম আভায় এবং একরাশি পদ্মফুলের মত  
পেলবতায় অপরূপ লাবণ্যে মণ্ডিত হ’য়ে তার স্তনভাগু স্ফীত হ’য়ে ৬ঠে।”

—ভারতশঙ্কর।

তার = কামধেনুর। উপমেয় ‘স্তনভাগু’ ; উপমান ‘প্রবাল’, ‘পদ্মফুল’।

(iii) “কুন্দেন্দু তুষার শঙ্খ শুচিশুভ্র সৌন্দর্যের রাণী,  
মূর্ত্তিমাঝে উর বীণাপাণি।” —যতীন্দ্রমোহন।

—উপমেয় ‘বীণাপাণি’ ; উপমান ‘কুন্দ’, ‘ইন্দু’, ‘তুষার’, ‘শঙ্খ’।

(iv) মলিনবদনা দেবী, হায় রে যেমতি,  
খনির তিমির গর্ভে...সূর্য্যকাস্ত মণি,  
কিন্মা বিশ্বাধরা রমা অমুরাশিতলে।”—মধুসূদন।

(v) ‘দৃষ্টি তব শরসম বিধিছে আমার  
মন্মথানি, দহিতেছে মোরে অনিবার  
বহ্নির শিখার মতো, হলাহলসম  
মূর্ছি তুলিছে নিত্য তহুমন মম!’—শ. চ.

(vi) “উদয়-শিখরে সূর্য্যের মতো সমস্ত প্রাণ মম  
চাহিয়া রয়েছে নিমেষনিহত একটি নয়নসম।”—রবীন্দ্রনাথ।

(vii) “কমনীয় কণ্ঠ হ’তে সন্ত-উৎসারিত উৎসসম  
গুঞ্জরিছে প্রভাতের প্রথম সঙ্গীত  
মুঞ্জরিত মাধবীর আদিতম মঞ্জরীর মতন মধুর।”—শ্যামাপদ।  
—উপমেয় ‘সঙ্গীত’ ; উপমান ‘উৎস’, ‘মঞ্জরী’।

(viii) “সন্দীপ মন জাগাতে পারলো না এই মেয়ের ? এ কি প্রবালের  
মতো কঠিন, জ্যোৎস্নার রেখার মতো শূন্য ?”—জ্যোতিরিন্দ্র নন্দী।

### ১ (ঘ)। বস্তু-প্রতিবস্তুতাবের উপমা

বস্তুপ্রতিবস্তুর বিশদ ব্যাখ্যা করেছি প্রতিবস্তুপমা অলঙ্কারের ভূমিকায়।  
এখানে সংক্ষিপ্ত পরিচয় দিচ্ছি। একই সাধারণ ধর্ম যদি উপমেয় আর

উপমানে বিভিন্ন ভাষায় প্রকাশিত হয়, তাহ'লে সাধারণত হ'য়ে যাবে  
ভিন্ন ভাষারূপটিকে বলা হয় বস্তু প্রতিবস্তু। এইভাবে উপমায়  
তুলনাবাচক শব্দ ভাষায় প্রকাশ করতেই হবে।

(i) “নিশাকালে যথা

মুদিত কমলদলে থাকে গুপ্তভাবে  
সৌরভ, এ প্রেম, বঁধু, আছিল হৃদয়ে  
অস্তরিত।” —মধুসূদন।

—উপমেয় ‘প্রেম’, উপমান ‘সৌরভ’, সাধারণ ধর্ম ‘অস্তরিত’-‘গুপ্তভাবে’  
বস্তুপ্রতিবস্তু। ‘অস্তরিত’ ‘গুপ্তভাবে’ ভাষায় বিভিন্ন, কিন্তু অর্থে এক  
—গোপনে। তুলনাবাচক শব্দ ‘যথা’।

(ii) “তোমরা যেমন ক’রে বনের হরিণী  
নিয়ে যাও, বুকে তার তীক্ষ্ণ তীর বিঁধে,  
তেমনি হৃদয় মোর বিদীর্ণ করিয়া  
জীবন কাড়িয়া আগে, তার পর মোরে  
নিয়ে যাও।” —রবীন্দ্রনাথ।

—তুলনাবাচক শব্দ ‘যেমন’ ‘তেমনি’। উপমেয় ‘মোরে’ (‘ইলা’র উক্তি  
বিক্রমদেবের প্রতি—‘রাজা ও রানী’), উপমান ‘হরিণী’। বস্তুপ্রতিবস্তুভাবে  
সাধারণ ধর্ম স্থূলাক্ষর অংশহুটি।

(iii) “সবল স্নদীর্ঘ দেহ  
মুহূর্ত্তেই তীরবেগে উঠিল দাঁড়িয়ে  
সম্মুখে আমার, ভয়স্বপ্ত অগ্নি যথা  
ঘুতাহতি পেয়ে শিখারূপে উঠে উর্দ্ধে  
চক্ষের নিমেষে।” —রবীন্দ্রনাথ।

—উপমেয় ‘দেহ’, উপমান ‘অগ্নি’; বস্তুপ্রতিবস্তুভাবে সাধারণ ধর্ম স্থূলাক্ষর  
অংশহুটি। তুলনাবাচক শব্দ ‘যথা’।

(iv) “একটি চূষন  
ললাটে রাখিয়া যাও, একান্ত নির্জল  
সঙ্ক্যার তারার মতো।” —রবীন্দ্রনাথ।

(v) “দারুণ নখের ঘা হিয়াতে বিরাজে।  
রক্তোৎপল ভাসে হেন নীল সরোমাঝে।” —চণ্ডীদাস

“রক্ত-উৎপল ফুলে      বৈছে ভ্রমর বুলে  
এছে ফিরয়ে ছই আখি।” —চণ্ডীদাস।

- (vii) “তব স্পর্শ তব প্রেম রেখেছি যতনে,  
তব সুধাকর্ষণবানী, তোমার চুম্বন,  
তোমার আখির দৃষ্টি, সর্বদেহমন  
পূর্ণ করি ; রেখেছে যেমন সুধাকর  
দেবতার গুণসুধা যুগযুগান্তর  
আপনারে সুধাপাত্র করি।” —রবীন্দ্রনাথ।

### ১। (ঙ) বিশ্বপ্রতিবিশ্বভাবে উপমা

উপমেয়ের ধর্ম এবং উপমানের ধর্ম যদি সম্পূর্ণ বিভিন্ন হয়, অথচ তাদের মধ্যে যদি একটা সূক্ষ্ম সাদৃশ্য বোঝা যায়, তাহলে ওই ধর্মদুটিকে বলা হয় বিশ্বপ্রতিবিশ্বভাবে সাধারণ ধর্ম।

বিশদ আলোচনা ‘দৃষ্টান্ত’ অলঙ্কারের ভূমিকায় দ্রষ্টব্য।

বিশ্বপ্রতিবিশ্বভাবে উপমায় তুলনাবাচক শব্দ থাকতেই হবে।

- (i) “কান্নুর পিরীতি      বলিতে বলিতে  
পাঁজর ফাটিয়া উঠে।  
শঙ্খবণিকের      করাত যেমতি  
আসিতে ঘাইতে কাটে ॥” —চণ্ডীদাস।

—উপমেয় ‘কান্নুর পিরীতি’, উপমান ‘শঙ্খবণিকের করাত’। উপমেয়ের ধর্ম ‘বলিতে...উঠে’ এবং উপমানের ধর্ম ‘আসিতে...কাটে’—বিভিন্ন। ‘সকল অবস্থাতেই ছঃখময়’ এই তাৎপর্যে ধর্মদুটির সাদৃশ্য পাওয়া যাচ্ছে বলে এরা বিশ্বপ্রতিবিশ্বভাবে সাধারণ ধর্ম।

- (ii) “দিনের শেষে শেষ আলোটি পড়েছে ওই পারে  
জলের কিনারায়,  
পথে চলতে বধু যেমন নয়ন রাঙা ক’রে  
বাপের ঘরে চায় ॥” —রবীন্দ্রনাথ।

—উপমেয় ‘শেষ আলোটি’, উপমান ‘বধু’। সূলাক্ষর অংশদুটি ছই পক্ষের ধর্ম—বিভিন্ন। প্রত্যাসন্ন আত্মীয়বিচ্ছেদের বেদনা দুটিকে পরস্পরের সাদৃশ্যে বিশ্বপ্রতিবিশ্বভাবে সাধারণ ধর্মে পরিণত করেছে। ‘শেষ আলোটি’-র

রক্তিম আভা এই সন্ধে অরণীয় ; বধুর 'নয়ন রাঙা' করার গতি হ'য়ে যাবে সহজেই । সুন্দর এই উদাহরণটি ।

(iii) তুঁহারি মধুর গুণ            কত পরথাপলু  
সবছঁ আন করি মানে ।

যেছন তুহিন            বরিখে রজনীকর

কমলিনী না সহে পরাণে ॥” —জ্ঞানদাস ।

[ তুঁহারি=তোমার ; পরথাপলু=প্রস্তাব ( বর্ণনা ) করলাম ; আন=অন্ত ( বিপরীত ) ; যেছন=যেমন ; তুহিন=হিমকিরণ ; রজনীকর=চাঁদ । ]

কৃষ্ণের প্রতি রাধাসম্পর্কে দ্বিতীয় উক্তি ।

(iv) “ঘূর্ণ্যমান নীহারিকা আপনার ছর্নিবার গতি-বেগে গড়ে যথা গ্রহে—  
তেমনি বেদনা-সিদ্ধু অক্রান্ত মধুনে যেন উদ্গারিয়া তোলে শুধু মনি ।”  
—বুদ্ধদেব ।

—‘বেদনা-সিদ্ধু’-তে রূপক অলঙ্কার ; তবু এই সমস্ত (compounded) পদটি আবার উপমের, উপমান ‘নীহারিকা’ ।

(v) “বরিষার কালে, সখি, প্রাবনপীড়নে  
কাতর প্রবাহ ঢালে তীর অতিক্রমি  
বারিরাশি ছই পাশে ; তেমতি যে মন  
হুঃখিত, হুঃখের কথ্য কহে সে অপরে ।”—মধুসূদন ।

(vi) “আগুনে যেমন সব বিষ যায়,  
প্রেমেও তেমনি সকলি গুচি ।”—মোহিতলাল ।

**তুলনাবাচক কয়েকটি বিশেষ শব্দ**

(i) “কাহুর পিরীতি চন্দনের রীতি ঘষিতে সৌরভময় ।”—চণ্ডীদাস ।  
( রীতি=মতো )

(ii) “জলদপ্রতিম স্বনে কহিলা সৌমিত্রি ।”—মধুসূদন ।  
( মেঘের মতো গর্জনে )

(iii) “বারিদ, ভূধর, দেশ            ধরিয়ে অপূর্ব বেশ  
বিতরে বিচিত্র শোভা ছায়াবাজী- আকারে ।”—হেমচন্দ্র ।  
( আকারে=মতো )

(iv) “ওই বঙ্গভূমি, বৎস, হিমাদ্রি আপনি            ,  
মুকুট-আকারে হের শোভে শিরোদেশ

(v) “ভ্রাতৃবধু তারা তোর তারাকারা রুদধনে :

তারাকারা=তারকার মতো। প্রথম 'তারা' বালির পত্নী, স্ত্রীবের  
ভ্রাতৃবধু।

- (vi) “বোঝাই হইল উচু পর্বতের স্মায়।”—রবীন্দ্রনাথ।  
 (vii) “সূর্যাসমান হও গো উদয়, গোহায় না যে রাতি।”—করণানিধান।  
 (viii) “বিহুৎ-আকৃতি  
 পলাইল মায়ায়ুগ।”—মধুসূদন।  
 (ix) “রহি কত দূরে দেখে নদীয়ারে  
 গোকুলপুরীর ছন্দ।”—মাধবীদাস।  
 (ছন্দ=মতো)

### ১। (চ) স্মরণোপমা (স্মরণ)

কোনো পদার্থের অনুভব থেকে যদি তৎসদৃশ অপর বস্তুর স্মৃতি মনে জেগে  
ওঠে, তবেই স্মরণোপমা অলঙ্কার হয় ( “সদৃশানুভবাবস্তুস্মৃতিঃ স্মরণমুচ্যতে”  
—সাহিত্যদর্পণ )।

- (i) “কাল জল ঢালিতে সেই কাল পড়ে মনে।  
 নিরবধি দেখি কাল শয়নে স্বপনে ॥  
 কাল কেশ এলাইয়া বেশ নাহি করি।  
 কাল অঞ্জন আমি নয়নে না পরি ॥”—চণ্ডীদাস।

—জল, কেশ, অঞ্জন দেখে কালকে (কৃষ্ণকে) রাধার মনে পড়ে—  
বর্ণসাদৃশ্যে। স্মরণ উপমা এই কারণে যে এখানে উপমেয় ‘কাল’, উপমান ‘জল  
কেশ অঞ্জন’ এবং সাধারণ ধর্ম ‘কাল’।

স্মৃতির উদ্দীপক এবং স্মৃত বস্তুটিকে বিজাতীয় হ’তে হবে। সাদৃশ্যাত্মক  
অলঙ্কারগুলির এই বিশেষ লক্ষণটি সব সময় মনে রাখা উচিত। আর মনে  
রাখা উচিত যে বৈচিত্রীময় চমৎকারসৃষ্টিই সকল অলঙ্কারের একমাত্র লক্ষ্য।

‘মনে পড়ে’, ‘স্মৃতিপথে ভেসে ওঠে’ ইত্যাদির উল্লেখও যেমন ‘স্মরণোপমা’  
হয়, তেমনি অনুল্লেখও হয় যদি স্মৃতিটি হয় ব্যঞ্জনাভ্য। পরে উদাহরণ-  
ব্যাখ্যায় একথা বোঝা যাবে।

সাদৃশ্য না থেকে যদি শুধু স্মৃতির পরিবেশটাই (association) সর্বস্ব হ’য়ে

‘মনে পড়ে’ ইত্যাদি সত্ত্বেও সেখানে ‘স্মরণোপমা’ হবে না।

—উপমেয় ‘শেষ ৬:।

ধর্ম—বিভিন্ন। প্রত্যাসন্ন অর তলে নয়নের জলে শাস্ত হইল ব্যথা,

ত্র বিশ্বপ্রতিবিম্বভাবে সাধারণে উদিল স্মরণে বালককালের কথা।